

PUUWAI HAOKILA.

Kaulana o Liliu i ke ao nei,
 Puuwai hao-kila mageneti,
 Ke o mai nei kou inoa,
 Ma na kihi o ka honua,
 Ua hiki ke ala i Ladana;
 He ui ninau Vitoria,—
 “Pehea ke Kuini o Hawaii,
 E apaia nei la e Maleka?”
 Ho-olalau nei Aha Senate,
 Hiki ole i ka mana o Kalivilaua,
 Kahikuhi na lima i Euelani,
 Loaa ka pono ia Liliulani;
 He lani keia na ka lahui,
 E hiipoiia nei me ke aloha;
 Ke hea mai nei o Wakea,—
 “Nohoia ko kapu a lanakila,
 A welo hou ko hac Kalaunu,
 Ma na welelau o ka makani,
 Hoike i ka malamalama,
 Ola Hawaii a mau loa;”
 Hainaia mai ana ka puana
 O Liliu o Loloku puka i ke ao.
 J. P. KING.